

vibus, frumento aliaque merce plenis, eo cursu intercep-
 ptis, incolumes ad suos rediere. Illis receptis mox Paulus
 Lauretanus, qui Magnus cognominatus est, cum triremi-
 bus novem in Cyprum est missus, unde Venetos negocia-
 tores cum multa & preciosa merce Venetias devexit.
 Dum hæc circa insulas geruntur, quatuor Ligusticæ tri-
 remes sinum ingressæ, in Histriam usque prædabundæ pro-
 cessere. Ad quarum famam naves longæ quinque Marco
 Michaeli decreto Patrum datæ, qui ad hostem medio co-
 natu opprimendum, si fieri posset, confestim moveret.
 Sed dum naves expediuntur, hostis non minori, quam
 venerat, celeritate sinu excessit. Per eosdem ferme dies
 triremes octo Joanne Sanuto Præfecto in altum educæ,
 nec ita multo post novem aliæ: utriusque classis impe-
 rium est Nicolao Pisano datum. Is, Ionii Ægeique ma-
 ris ora perlustrata, inde Hellesponto emenso, Peram us-
 que progressus, multa Genuensium navigia mira celerita-
 te intercept, in quibus cetheæ duæ fuisse dicuntur, mer-
 ce tam preciosa refertæ, ut ducentorum millium sum-
 mam æquarint. Novem Genuenses nobiles cum negocia-
 toribus non paucis, in illis capti. His prospero cursu ge-
 stis, quum constans fama esset, Genuenses ingenti na-
 vium numero, aut jam domo movisse, aut certe paulo
 post moturos, tutius semper fuisse ratus Pisanus, inferre
 arma, quam illata propulsare, & in alienis finibus, quam
 in suis bellare, viginti longis navibus ex omni numero
 lectis, Marco Michaeli cum reliquis triremibus ad
 præsidium sinus relicto, sælici navigatione usus in Sar-
 diniam venit, ubi se Aragoniæ classi quadraginta lon-
 garum navium, & cethearum trium, quibus Bernardus
 Caprarius præerat, se junxit. Obsidebat barbarus per id
 tempus Algerium oppidum; inde junctis classibus, in
 Caralitanum sinum ventum. Genuenses Bosphoranæ pu-
 gnæ memoria feroces, tribus & quadraginta longis na-
 vibus domo profecti, Antonii Grimaldi ductu ad ho-
 stem ire pergunt. Circa Cynnum pugnatum scribunt
 quidam: alii ad Calarim, qui locus in parte Sardinia

1352

1353